

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 421 del 29/02/2024

Traduzione in ladino

Orchestra di joegn de strumenc a fià del Euregio 2024: la enscinuazions les é avertes

[Ladino] La musega no l'à seides: Aldò de chest dit, l'Euregio Tirol-Sudtirolo-Trentin l'endrea na neva edizion de la setemèna da d'istà de la Orchestra di joegn de strumenc a fià del Euregio en colaborazion co la Sociazions de musega a fià di trei teritories. Presciapèch 60 joegn musicis i se scontrarà dai 20 ai 28 de messèl del 2024 a Dobiach, te val de Puster per passèr dessema na setemèna duta dedichèda a la musega. A la fin de la setemèna, i joegn talenc i fajarà conzerc ti trei teritories del Euregio. Pel tor pèrt al projet joegn musicis dai 16 ai 30 egn enciasé tel Tirol, Sudtirolo e Trentin.

L'Euregio l sostegn i joegn talenc musicai

L'otava edizion de la setemèna de musega de l'Orchestra di joegn de strumenc a fià del Euregio l'à desche obietif sostegnir i joegn musicis che à talent, i fèr cognoscer anter de ic sorafora i confins nazionèi e linguistics e ge dèr l met de sonèr dessema.

I conzerc

I conzerc finèi de l'Orchestra di joegn de strumenc a fià del Euregio i vegnarà endrezé te duc e trei i teritories:

En vender ai 26 de messèl del 2024 tel Trentin (post amò da dezider), en sabeda ai 27 de messèl del 2024 al Grand Hotel Gustav Mahler de Dobiach e en domenia ai 28 de messèl del 2024 tel chèder di Promenade Concerts de Dispruch. Ai joegn musicis ge stajarà do i diretores Andreas Waldner (Tirol), Hannes Schrötter (Sudtirolo) e Franco Puliafito (Trentin). N auter conzert pervedù ai 20 de jugn del 2025 a Mayrhofen, te la Zillertal sudtiroleisa, tel chèder del congres de la Sociazion austriaca de musega per strumenc a fià. Chi che tol pèrt a l'Orchestra di joegn di strumenc a fià del Euregio de chest an i é envié a se enscinuèr tel medemo temp ence al projet spezièl 2025.

Enscinuazions enscin ai 30 de oril

L é possibil se enscinuèr enscin ai 30 de oril, tras chest link: <https://bit.ly/orchestra-giovanile-euregio>

La quota per tor pèrt a la setemèna de proes de l'Orchestra di joegn de strumenc a fià del Euregio la é de 150 euro e la tol ite cost, cartier, partidura e viac da Dispruch, Busan e Trent.

Traduzion di Servijes Linguistics e Culturèi del Comun general de Fascia

(cdt)